



## "Allahov Poslanik, sallallahu alejhi ve sellem, bio je najdrežljiviji čovjek..."

Abdullah b. Abbas, radijallahu anhuma, rekao je: "Allahov Poslanik, sallallahu alejhi ve sellem, bio je najdrežljiviji čovjek, a posebno u mjesecu ramazanu, kada mu je dolazio Džibril. Dolazio mu je svake ramazanske noći i s njim zajedno učio Kur'an. Allahov Poslanik, sallallahu alejhi ve sellem, bio je u činjenju dobra darežljiviji od poslanog vjetra."

[Vjerodostojan] [Muttefekun alejh]

Allahov Poslanik, sallallahu alejhi ve sellem, bio je najdarežljiviji čovjek u svim stvarima, imetku, zalaganju, prenošenju znanja, pozivanju u Allahovu vjeru, savjetovanju i svemu što koristi ljudima. A najdarežljiviji je bio u mjesecu ramazau, jer je ramazan mjesec darežljivosti. U njemu je Allah Uzvišeni darežljiv prema Svojim robovima, a Njegovi odabrani robovi u tom mjesecu su prema svojoj braći u vjeri posebno darežljivi. "...kada mu je dolazio Džibril", tj. u vremenu susreta sa njim. "...a Džibril mu je dolazio svake ramazanske noći i s njim zajedno učio Kur'an...", kako bi se Allahova riječ usadila i učvrstila u Poslanikovom, sallallahu alejhi ve sellem, srcu i kako bi imao što veću nagradu zbog učenja Kur'ana sa Džibrilom, alejhis-selam. Poslanik je, sallallahu alejhi ve sellem, u vremenu kada se družio sa Džibrilom i izučavao Kur'an bio u činjenju dobra darežljiviji od poslanog vjetra. Odnosno on bi žurio da učini dobro djelo i pri tome bio blaži i brži od vjetra. Iako je vjetar, koji Allah Uzvišeni šalje, veoma brz i jak, i sa sobom nosi velike koristi, Poslanik, sallallahu alejhi ve sellem, bio je u mjesecu ramazanu brži i darežljiviji od njega.

<https://sunnah.global/hadeeth/bs/show/6179>

